

■ COLUMNA

Cusseglis. Bain manegiads.

DA SILVIO CAMENISCH

Ratschläge sind oft wie Schläge, sagt man. Tge che jeu retschaiv cussegls, bain manegiads, bain bain, da tuttas varts. Grazia fitg, ma recumond in'otra giada.

Tgau ti co has? Survegns matei schon enqualga reacziuns sin tias columnas e glossas? Buca tuts lain plascher ellas. Astgas ti era buca quintar, sch'ins vegn neunavon cun da quei sco «la nova veglia Romania» ni da lezzas caussas. Epi, epi da quei culs «tgaus da maiorz» sco ti dias, quei vilenta fetg fetg ils pertuccai.

Sche jau astgel dar in ni dus buns cussegls, denter nus. Jeu scrivesc buc aschia da nies lungatg, dalla pro idioms e dil «Stai si defenda!» sco ti fas. Quei sentan ei immediat co igl ei manegiau ed engrazian. In che ti enconuschas schon, purtader d'in premi cultural da reconuschientscha cantunal, ei nungetg vilaus sin tei. El legi buca pli tias glossas.

Dess massa bials temas per ina ni l'otra buna columna. Pertgei buca scriver sco auters dallas bias stagiuns e dallas meriteivlas uniuns? Nos catschadurs e -duras ensemen cul partenari rtr e la Gaby Degonda cun salids da catscha per milliuns seresentan vieti che ti scrivas e co ti scrivas da patentas patro-



nas e pissiun, messas da Hubertus cun alzar si las trofeas. Per quels e quellas ei nossa catscha s. messa d'unfrenda!, Silvio, sco per tshels las s. messas da cudschs, puspei quels las s. messas da festivals. Studegi quei!

In studegiu doctorau, lche ti enconuschas schon, sche jeu gitgel il num, sevilenta fetg fetg da tias glossas. Quel sa buca capir ch'ins po ridicular aschia dils nos sco quei che ti fas. Sa schon co ti manegias, sche ti scrivas «tras El e cun El ed en El» e manegias il Blocher bab. Sche ti mettas la feglia da bab culla rehuna milliardera Magdalena Claire Zachanassian Güllen/Domat s'udess quei è alla redacziun da gnanc publicar.

Tgau ti co vai? Nossas menadras da scolas lain plascher mo empau che ti fas remarca dils novs concepts, dallas cuntradas d'emprender e dallas scolas anavon marsch, negin sa nua, vul era buca saver. Tgei levas dir cun tia

«Selfiemanìa» en tia davosa glossa? Ils mieds d'instrucziun Access suletsalvificonts dalla retscha ditg ditg buca cumpleta ein lu per cass buca lecziunaris... che ti dias zanuua.

So, survegns schon empau reacziuns sin tias columnas? Buca tuts lain plascher da quei cun «Don Rathgeb!... Don Candinas!... Don Augustin!» po gida nus». San schon co ti manegias cun da quei da padrins cun cuuna e mo scrolan il tgau da tei.

Sche jeu astgel dir senza vilentar: Jeu scrivesc mo da quei che vegn da cor e va a cor, ch'ins legia bugen. La glossa, la satira ei buca caussa dils Romontschs. Scriva era buc in da nos capopoets e scribents glossas. Mo columnas e forums forums. Quels han da dir enzatgei dalla suletvera cardientscha e suletvera democrazia. In, tuttina dils meisters, scriva pintgas pintgas Glossinas. Glossas scrivas mo ti. In, ti enconuschas el, scriva enquala mo lai o tissi ch'igl ei buca pli glossa e tuts sefan en. Smarvegla, sche tals che salidavan tei, salidan buca pli tei: en casa da medias rtr, sin via als festivals ni als Dis ni a catscha ni al cussegl grond ni el parc ni nua. Jeu dess a tuts puspei la pasch: il meglier cun ina ni l'otra columba, stgisa, columna.

Ratschläge sind oft wie Schläge, sagt man.